

3. PASIAN KAMMAL SINNA

- | | | | |
|--------------------------|------------|------------|---------------|
| a) Laisiangtho bulphuhte | 2Tim. 2:15 | Acts 17:11 | 2Tim. 3:16-17 |
| | Psa. 138:2 | Rom. 10:17 | |

b) Thupatna

Christian pawlkhatte in Laisiangtho pen Pasian Kamciam bung (box) bangdan a koihna khengin khangto ngeilo tawh kibang hi. Tuapen, ut bangbang in Laisiangtho lem uh a, tua hun a ding Khasiangtho in Kammal a lah nading thungen uh hi. A taktak in bel a thu amaan nak leh Khasiangtho in hih bangin sem thei lua lel hi. Hih bang hunte ah a kizoppih leh a deihna bulpite thudon lo in i lungtang sunga i deihna leh a kituahpih bangbang in tua kammal la hihang. Ahizong in Laisiangtho telcianna taktak ah hih sangin a thupi zaw khat kisam hi. Nisim thupiangte ah Laisiangtho sungah nuntak ding i sim ding kisam a, a deihna leh a khatnate theihnelna khat i ngah ding kisam hi (2Tim.2:15).

c) Nungzui khat in Pasian Kammal a theih ding kisam

Laisiangtho pen Pasian in mite ong hopihna hi. Zeisu nungzui banga nuntak nading in Pasian kammal kisam hihang.

- Hih ong pilsak hi (Psa. 119:98-104)
- Hih i ngah leh khuavak ong pia hi (Psa. 119:130)
- Hih in lungnopna ong pia a, ong puksak lo hi (Psa. 199:165)
- Hih in ong lamto a, misiangte lakah luahna khat ong pia hi (Acts 20:32)
- Hih in upna ong hi thei sak hi (Rom. 10:17)
- Hih in tha ong pia in lametna ong nei theisak hi (Rom. 15:4)
- Hih pen hihna taina, puahphatna leh thumaanna sungah pattah nading in kizang thei hi (2Tim. 3:16)
- Hih in lungsim leh khuak, guhte leh thaguite sung nangawm ah tum in, lungsim ngaihnutna leh lungsimpunkte thukhen hi (Heb. 4:12)

Laisiangtho pen Pasian humop hi a, a vekpi maan, kingak tak ngiat in, Christian i hihna leh pawlpi i hihna tawh i sep khempeuh ading thuneihna sangpen nei hi.

d. Pasian kammal theihna ding lampite

(i) **Zakna:** Gentehna in:- thungenna, tape, a gingkhia a simna, tecipanna cihte

(ii) **Sinna:** I sim ciangin tel theihna hong piak nading in Khasiangtho kiang i nget ding kisam hi. Laisiangtho simna ding geelna pen a diakdiak in i kipatcil in i zuih ding phatuam mahmah hi.

(iii) **Sinna (Acts 17:11):** Na sinna ah ngimna leh tupna khat nei in (Gentehna in Laisiangtho tang khat kantelna, Moses gamtatzia bang Laisiangtho sinna, Khasiangtho letsongte bang thulu khat sinna) Pasian in ong pulak khat peuh gelkhia in. A ma thu na theih ding Pasian in ong deih hi. Ahizong in tua thu phawk thei in Pasian hong lah bangbang midangte tungah na hawmkhiat ding Pasian in ong deih hi.

(iv) **Lungngaihna (Joshua 1:8; Psa. 1:1-3).**

(v) **Lotngahna (Deut. 6:5-9; Pro. 7:1-3).**

Hih in ong thahat sak in Pasion vakna ong ngahsak hi (Matt. 4:4). Hih in Pasion lampi ah ong pai sak hi (Psa. 119:105); Mawhna, ze etna leh Satan tungah ong gualzo sak hi (Psa. 119:11; Eph. 6:17; Matt. 4:4,5&10)

e) **Banghang Laisiangtho sin?**

(i) **Kilakna (Revelation)**

Laisiangtho in a kicing pen Pasion kilakna ong pia thei hi. Tua lai ah Pasion in ama thu leh a mite ading a geelnate ong pulak hi. Tuat khempeuh ban ah, Laisiangtho teci panna tungtawn in Zeisu sunga Pasion kilakna tel hihang.

(ii) **Nungzui hihna leh khantohna (2Tim. 3:16-17).**

Pasion kammal in vangliatna nei hi. Laisiangtho tungtawn in Khasiangtho in kisikkikna lungsim kitelna hong tun hi. Pasion siangthona leh khazih thutak sungah hong kha hi. Upna sungah kiptak a i din theihnading in thumaan thutak sungah hong kha hi. Laisiangtho pen Khasiangtho ading mi a at siavuante temta bang suak hi. Eite nuntakna a Pasion hong deihna a kicin theih nading in Khasiangtho khutsungah damna a tungsak ding in siamna leh vangliatna tawh kizom den hi.

(iii) **Upna leh Thapiakna (Rom. 15:4)**

Pasion Kammal zakna pan in upna hong pai lam i thei hi (Rom. 10:17). Laisiangtho sinna tungtawn in i upna hong khauhsak leh i lungtang hong domto ding Pasion kiang pan nate tampi i za hi. Upna thu i genna thu hong kipia in, Laisiangtho sung a upna lian mite tawh i kituah khakna tungtawn in i upna hong kipto in Khasiangtho lamlahna nuai ah puahphatna ngah ding hihang.

(iv) **Tecipanna leh gupna thugenna (1Pet. 3:15)**

Gupkhatna genna a lawhsapna pen tampi vei Laisiangtho sunga lungmuan loh na hang hi thei hi. Laisiangtho tungtawn a Topa hong sawlna tangtun sak ding i kisapna i phawk ding kisam a, teci panna ah i kihel ding kisam hi.

(v) **Kha galdona**

Eph. 6:17 sungah Pasion Kammal ahi Khasiangtho namsau i tawi dingin hong kihanthawn hi. Laisiangtho in kha galdona ah koici do ding cih lam hong lak hi. Ettehna leh hilhna tawh gilopa tawh koici kisik ding a, gualzawhna koici ngah ding cih sin ding hihang. I upna pen gualzawhna ding bulpi ahihna Laisiangtho in hong hilh hi (1Jn. 5:4); Zeisu min a vangliatna eite ading hong lakkhia hi (Acts 4:10, 12). Dawimangpa i kham leh ei kiang pan taikhia ding cih hong hilh hi (Jas. 4:7)

f) **Laisiangtho sungah lampi na muh nading hong huh kalsuanna sagihte**

Christian khangnote ading in a zattak ding munkhat pan ding thupi hi. Gentehna in John lungdamna thu aih keh Thuciam Thak laibu dang khat peuhpeuh.

(i) **Zui in:** Kidawmtak in Laisiangtho in sim ding kisam a, Laisiangtho in bang gen taktak hiam cih en a ngaih ding kisam hi. Hih in i ngaihsutna a a kilawm zah sang ol sim zawk ding leh khatvei sang a tamvei zaw sim ding hong hi thei sak hi. Tua khit teh i sim sate bang hi takpi hiam cih ei le ei hong kidongsak hi.

(ii) **Akhiatna gen in:** Nasim teh bang gen nuam cih na thei hiam Na tel lohna a hang pawl khat hong om kha ding hi. Dotna pawlkhat kidong lecin tuate hong siang ding hi. Khat veivei a hang pen kilang mahmah hi. Gentehna in kammal leh ngaihsutna na theih loh leh na tel loh hong om kha ding hi. Khat veivei nang

tuahkhak ngeilo na hih man in na tel loh man a na pom theih loh kha thumaan khat peuh om kha ding hi. Sin khakna maan pen telna maan hi. Khat veivei siamna tuam hang ahi a nung thu leh a ngeinate uh tawh kisai Laisiangtho hilhcia bu a kisap na hong hi thei hi.

(iii) **Tomlak in:** Tang khat pan a i sim a deihna taktakte pen tomlak leng kizang thei hi. Aih keileh a thupi leh a thulupi a i muhna munte a nuai git zong kizang thei hi. Khat veivei Laisiangtho gen hi ci a na ngaihsut khat, nang aituam kammal a na lak zong phatuam hi. Na Laisiangtho sinna na neih teh laikung khat leh laibuneu khat leh, a ciaptehna khat a baihsa in koih in.

(iv) **Sittel in:** Dotna tawmno khat kidong in:

- Bang laibu nam sim na hiam? Gentehna in mikhat kikhak laikhak, thuhilhna, kamsanna, la lam.
- Bangci bang hilhna nam hiam? Gentehna in mi khempeuh ading a, mun khempeuh leh hun khempeuh ading a kizang thei thumaan tawntung khat hiam? Aih keh a kigelh hun tawh kisai hunkhat bek ading hiam?
- A baihpen leh a kitel khatna pen a deihhuai pen hi tawntung hi cih phawk in (1Cor. 14:33).

(v) **Zangpah in:** Laisiangtho i sim ciang in tua pen ei ma nuntakna ah koici bang in kizang thei ding cih ei le ei kidot huai hi. Tua khit ciangin Pasion kammal in eite sungah muibun in eite nuntakna mahmah ah tua a gah pan in phattuam lawh ding hihang.

(vi) **Enkak in:** Laisiangtho khatna hilhciaanna a hoih penpen in Laisiangtho mahmah ahi hi. Tua ahihman in Laisiangtho mun khat leh a dang munkhat enkak in. Zon olna leh Laisiangtho ettelnate kizangthei a, tua dungzui in ngaihsutna khat zui thei leh tua tungtawn in Laisiangtho khatna i khatna hong kem ding hi.

(vii) **Lungngai in:** Na simsate lungngai in la, tuate tungtawn in Pasion in na mimal tungah hong hopih nading hun pia in. Hih in Pasion tawh na kizopna hong khangsak in, amah hong theihbeh sak ding hi.

g) **Hih Nasep Ading Vanzatte**

1. Khatsang a tamzaw Laisiangtho kilette zang leng thuman thutak lahkhatna tuamtuam kimu thei ding hi. Gentehna in NIV pen atangpi in zang in; kammal khat tel nading in a kammal zat a nuam living Bible zang, tua khit teh a haksa munte telcian nading leh tua laibu sunga a khat a sungtawng et nading in Authorized Version AV hiam NKJV hiam zang in.
2. Bible handbooke gentehna in "Lion Manuals, a dang a hoihte. adiakdiak in sinna, kipattahna kician nei lo mite ading in hih laibute in a nungthu, a tang thu, a kiletkhatna cihte a kipan thupate pia ahihman in hoih hi.
3. Bible Concordance khat; gentehna in Young's Analytical Concordance aih keh Strong's Exhaustive Concordance.
4. Cross-reference Bible khat: Hunpiakna leh Pasion kammal tel nading a lungsim hon na pen Laisiangtho sinna ah lawhcin nading a a kihel lianpi teng hi lai hi. Lungsim puak maan tawh Laisiangtho i kan nakleh thumaan thutak khempeuh sungah hong kha ding in i sia ding in Khasiangtho pen a baihsa in om hi (1Cor. 2:10-12).

h) Thuciam a Lui leh a Thak

Kalsuanna nih tawh i ngaihsut ciangin Thuciam bu nihte kizopna mu thei hihang.

(i) Thuciam Lui pan a Thak ah (bu 39)

- A kism mahmah thumante pen thuciam thak sungah kilak a, tuate pen Thuciam Lui sungah a kicingzaw in kipia hi. Gentehna in, Thukhunna tawh kisai Thusinna (The Theology of the Covenant), Upna thu a kikhenna; Pasion pianzia (a sianthona, a minthanna cihte); phatna leh biakna a vangliatna.
- Khazih hong paina lametna lawpna (Kamciamte cihte)
- Upna leh nuntakna kizopna (Mihing thute, tangthu tuamtuan, nuntakzia tehnte)

(ii) Thuciam Thak pan a Lui ah (Bu 27)

- Thuciamlui i telna hong dimsak hi.
- A khangto to kilakna hong musak hi. (Khialhna pen thuman hilo in thuman pan a lianzaw thuman)
- Thuciam Lui i letna hong kem, uk hi (Lim tuamtuan leh gentehnte zanga deih bawl luatnate pan hong hut nading hong uk ding khat kism hihang.)

i) Manglai Laisiangtho Thuciam Lui

Hih in khen 4 nei hi.

1. Pentateuch: Piansilna, Paikhiatna, Siampilaibu, Gamlakvakna, leh Thuhilkikna
2. Tangthubu te: Joshua pan Esther ciang,
3. Labute: Job pan Solomon la ciang,
4. Kamsanna bute: Isa. pan Malachi ciang

j) Hebrew Laisiangtho

Hih in khen 3 nei hi.

1. Torah(Thukham): Piansilna, Paikhiatna, Siampilaibu, Gamlakvakna, Thuhihkikna
2. Nebbiim (kamsangte):
 Kamsangmasate: Joshua, Thukhente, 1 & 2 Samuel, I & 2 Kumpite
 Kamsangnunungte: Isaiah, Jeremiah, Ezkiel, Bu Sawm-le-nih Bu
3. Kethubbim (Laigelhte): Psa., Paunakte, Job, Solomon la, Ruth, Kahla, Thuhilsia, Esther, Daniel., Ezra, Nehemiah, I&2Khangtangthute

k) Laisiangtho tangthu a lian (chapter) kua-te

1. Akipatnate: Gen. 1-11 (tuate pen Piansakna, pukna, tuiciin leh Babel)
2. Pu leh Pate (Patriarchs): Gen. 12-50 (tuate pen Abraham, Isaac, Jacob leh Joseph). upmawh kum 1800BC)
3. Moses leh Paikhiatna: Exo., Leviticus leh Numbers, Upmawh kum 1280BC
 - Exo. ah thukhun kibawl, thukham kipia, biakbuk kilam.
 - Leviticus ah siampite leh mite in biakna vai thuhilhna ngah.
 - Numbers ah Israelte pen a hoihpen ngimna ading kigingkhoh uh.
4. Gamlakna leh Tenna: Deut., Joshua, Thukhente.
5. Kumpi ukna kiphuan: I&2Samuel, 1Khangtangthute(tuapen Samuel, Saul leh David). upmah kum 1050BC.
6. A kikhen kumpi gam: I&2 Kumpite, 2Khangtangthute (Tuapen Solomon). Upmawh kum 930BC.

- Saklam kumpi gam (Jeroboam -Pekah). upmawh kum 722/1 BC.
- Khanglam kumpi gam (Rehobaom -Zedekiah)upmawh kum 597/87 BC.
- 7. **Saltanna leh kipuahkikna:** Ezra, Nehemiah, Haggai, Zechariah, Malachi, upmawh kum 539 BC
- 8. **Zeisu:** A nuntakna leh nasepna: Thuciam Thak lungdamna bute; upmawh kum AD 30/33
 - Zeisu kua cih hong gen hi.
- 9. **Pawlpi khantohna leh thuhilhna:** Sawltakte tangthu pan Mangmuhna dong.
 - Khazih sungah nang kua cih hong gen hi.

Zeisu pen Laisiangtho teltheih nading tawhtang a hihna phawk in. Zeisu na ngah khak keileh laibu sunga a thu thupi khempeuh zong khahsuah hi teh! Zeisu na muh leh laibu honna ding tawhtang nei na hi hi.

l. Dotnate leh kikupkhpnate

1. Laisiangtho tangte leh Laisiangtho munte khat vevei simna lel tawh Zeisu nung zui bang in na khangto thei takpi mah hiam?
2. Laisiangtho sim ziauna pen banghangin hoih zo lo hiam?
3. Laisiangtho i sin na tawh koici bang in Khasiangtho in i nuntakna hong damsak in hong kicingsak hiam?
4. Laisiangtho na theihna pen thuhilh nading, tai nading, puahphat nading thuman sunga pattah nading in a kicing hiam? (2Tim. 3:16). A kicin keileh tua tawh kisai bang sem ding na hiam?
5. Zeisu nungzui i hihna tawh i sep ding a kilawmte i theih ding a kisam hiam? Pasion hong hilhna laibu bang hiam?
6. Vantung na tun teh Zechariah tawh kimu lecin, a ma laibu nasim khin ding hiam?
7. Mikhat in "Hezekiah 6:3 na sim khin hiam?" hong ci leh na nuisan diam?

m) Tomlakna leh zatpahna

1. Laisiangtho teltheih denna neihna dingin Laisiangtho sungah nungta in i sin ding kisam hi.
2. Laisiangtho pen Pasion in mite tunga a hopihna hi-a, Pasion leh ama deihte i tel nading i sin ding ahi hi.
3. Laisiangtho i sinkhit leh, a gualzo Zeisu nungzui bangin hong nungta theisak ding hi.
4. I nuntakna sungah hoihtak a i zat pah theih nading in Laisiangtho pen i tel ding kisam mahmah hi.
5. Zeisu pen Laisiangtho i teltheih nading tawhtang hi.